

不壞聖智地證入金剛等覺妙覺地一念頃  
 迅疾入金剛喻定三密菩提性證成妙覺地  
 得金剛聖性定成就法身佛如來果如是一  
 切菩薩摩訶薩修持觀行如來三摩地者盡  
 入此佛金剛菩提三密聖道真如實性金剛  
 聖智不壞地證成無上正等菩提佛果成就

阿耨多羅三藐三菩提故是時毗盧遮那如  
 來告言諸佛當知諦聽諦聽吾今先為菩薩  
 時修入如來所說金剛秘密菩提三摩地已  
 佛果之根源如是一切有情衆生修成佛者  
 皆悉修入十發趣十長養十金剛十聖地等  
 覺妙覺地登入無生山證金剛菩提如來解  
 脫矣聖地道當成佛身同菩提無為無相大滿矣

常住十力十八不共行法智身法身滿足是  
 故毗盧遮那如來心體根本菩提金剛聖性  
 有大願力與一切有情同生聖性吾今當常  
 住法身在於一切衆生性中住一切菩薩心  
 中同等法界為身心體性亦為聖力加持一

切菩薩及一切有情蒼生證得常樂我淨涅  
 槃佛性速成無上正等菩提故是故一切諸  
 大菩薩摩訶薩深敬如來說已各各信受奉行  
 大乘瑜伽金剛性海曼殊室利千臂千鉢大教王經卷第九

大乘瑜伽金剛性海曼殊室利千臂千鉢大教王經卷第十

大興善寺三藏沙門大廣智不空奉詔譯

尔時釋迦牟尼如來復從摩醯首羅天王宮  
 下至南閻浮提來往說法在舍衛國中祇園  
 精舍大道場會如來在於百寶蓮華臺於寶  
 座上入師子奮迅金剛三昧從三昧起光明

徧照千百億微塵世界佛刹淨土一切三世  
 法界有頂非想天一切有情大梵諸天六欲  
 天主帝釋諸天四王大神轉輪四聖王等百  
 億閻浮提粟散國王大臣諸軍統領宰執所  
 守一切人民世尊放大慈光明悉皆普照靡  
 不周徧一切菩薩一切衆生攝入法海令修

菩提聖性聖行善法增長災障不侵一切諸罪及一闡提謗方等經盡皆消滅尔時如來從三昧起告諸菩薩大會眾等普賢昇殊二大士為眾上首及一切菩薩摩訶薩等吾今見於來世諸佛聖教法欲將末劫濁亂時於此世界中鬼神繚亂於意云何今正是時若

有國王大臣統領宰執不信佛法不敬師長則令國界善神不歡龍王不喜五穀不熟風雨不時如此不敬佛法之人則不信造福不修道業貪生愛樂不覺不知者則被諸惡鬼神惱亂其心是人則當貪欲熾盛積聚財寶不知厭足是故應知如是人等當自思察火

急悔責發菩提心廣造修福當救其身又有世間凡夫之人不敬三寶不信佛法者亦被鬼神惑亂入其人心當作闕競惱害賢良如此魔人被鬼入心能出異端邪執是非說策密謀破壞良善國王大臣諸軍頭領迷惑心亂勿令所覺盛行顛倒逆亂之心所以者何

是故世人應知切須覺察當發信心造諸福祐是故善男子若欲迴心敬崇修福者法有三種云何為三一者佛寶二者法寶三者僧寶云何依此三寶如何修持有福無福若供養僧其福百倍若供養法其福千倍若供養佛其福萬倍則是歸依佛法僧三寶無限之

福是故應知諸善男子若損僧寶鬼神入心失却人身大臣之位求入地獄無有出期若滅法寶鬼神入心損却福祿受盲聾瘖瘂愚癡之報常墮畜生作駝驢猪狗若除佛寶鬼神入心多淫多欲多瞋少喜心常闇昧被人惑亂失却王位人身難得死墮阿毗不得生

天永沈苦海

尔時世尊語諸眾善男子等殺勤告汝吾今不忍見於地獄惡業眾不信三寶消除福祿廣造諸罪墮於四趣輪迴五道或得人身還造諸罪入於地獄無有出時是故當知善男子等欲得福祿欲得長壽福慶增盛果

報圓滿者應當作善莫損僧寶不滅法寶不除佛寶所得王位亦不動搖所作大臣亦不損壞所得人身延年益壽國王大臣統領宰執諸佛加被善神衛護吉慶常樂常得清淨是時世尊告諸菩薩摩訶薩等當來於世混亂之時欲得清吉欲得善福集在身中延命

長遠者誓當信敬一切三寶歸依如來供養於佛供養於法供養於僧生生世世常得人身不失王位不失大臣之位不失統領諸軍宰執職位不失福祿延年長壽死得生天受勝快樂不墮地獄不生四趣常得人身遇佛聞法正見正信漸次修學如來正智聖行滿

足速證菩提成聖解脫是時釋迦牟尼如來在舍衛國中祇園精舍大道場處有外道六師尼乾子等九十五種邪見之法外道頭首須臾陀羅將諸徒衆五百餘人投佛出家須臾陀羅啓言世尊我爲年老多時幻惑志求天眼將爲出離如今覺寤乃是邪見不可得

本

值如來正法聖性天眼惟願如來大慈大悲納受我意其時釋迦如來告言善來須臾陀羅受我教者於吾法中當得正見聖性天眼尔時自諸外道尼乾子等共佛諍義外道若世尊言我本教中志求法者則得天眼外道徒衆啓世尊言今者衆中實得天眼世尊報言外道癡人汝常誑惑邪見惡業汝從父母顛倒中生不淨神識心常惑亂何得自言我證天眼如來告言愚人外道今遇正法諸佛如來如是大師是汝真大善知識於吾法中得生正見不墮邪網證聖天眼外道何故自言得道我證天眼如來報言尼乾子等汝是迷人譬如有人患其眼根得遇良醫治差眼目便得淨眼得見日月既得見已衆色俱覩緣此正見得福如是是故世尊語言外道若有衆生不具信根不識正法難遇難治若見大善知識故爲是無信邪惑在心對面不識若有衆生實有深信善根之者千里亦通則

得遇見大善知識邪惑消滅無有罪障肉眼  
得淨以得淨眼則證天眼既證天眼則識諸  
佛遇大善知識正信正見不入邪網是故汝  
等諸外道輩汝等晝夜執持邪論誑惑世間  
邪箭入心未能拔出而作異見諂曲邪命於  
其非法執著作善不可解脫當墮阿毗無間

地獄從地獄中出先作畜生駝驢猪狗將命  
還他先世供養累劫陪償無有休歇是相當  
知從畜生沒得生人間作其人貧窮下賤盲  
聾瘖瘂受業如是見者無喜汝作不善先世  
報力世尊語言外道癡人尼乾子等今生受  
邪劫劫不正常运行邪法自壞己身亦壞他人

如此自盲復語餘盲我將汝去摠墮深坑智  
者當知如此二盲於其非路必有墮落遭其  
辛苦外道盲人亦復如是是故世尊在大眾  
會告語菩薩一切眾生言如是外道六師尼  
乾子等九十五種根本邪教不正之法摠有  
六宗云何名爲邪教六宗根部之法一者尼

本

四

乾子修習自然之法名爲天生本自無因無  
緣長生不死之法二者毗羅胝子修習著空  
爲道滅身無體歸死不生再來之法名爲得  
道三者鳩馱迦旃延修習午日炙身編椽卧  
棘名爲苦行焚身祭天擬求得道歸空不生  
之法四者富蘭那迦葉末伽梨修習不淨之

行嚴持狗戒猪戒裸形塗灰於糞土中卧不  
解羞恥若能識羞之者名爲正道是故外道  
常持不淨狗戒擬求解脫成自得果五者拘  
賒梨子修習自餓忍飢不食外道口言告人  
自稱得道不饑不渴是各自餓外道不食之  
法六者尼健陀若提子等修習邪見求天祠

神敬日敬月恭事於火取相取夢夜看境界  
口云自言求者得道我得天眼見前後生死  
之事常樂祭祠鬼神意擬求則求錢令神靈  
祐助意言必得稱遂於邪道中祈求果報如  
此外道六師徒黨俱行邪教都摠不知是邪  
外道口言自唱我得聖道亦向他人所說若

修我教不久當得聖道之果如此外道之言不可有信是故世尊語此外道如是邪見不正之教實非可信敗壞衆生本性正見外道邪諂彊爲道首與人作師實非正覺我稱正覺實非能知出世之道我言能知實非聖見我稱聖見實非能爲衆生之師我言能爲如

五

五

是外道非但自殃善道福果亦失他人善道生路是故外道實非正師摠墮邪道彼師亦墮汝亦隨墮是時如來告諸菩薩摩訶薩一切有情衆生四部衆等諦聽諦聽善思念之吾今爲說當受因果見存有相生長其身舉動施爲皆有習氣是故外道不信如來說有

因果先世業緣云何說言當有是相是故應知彼人若從地獄中出來生於人間當有見相智者應知其聲斲破驢騾之音聲大忽忽吼喚綏急心常少信多饒誑妄不令所信無人親友其人醜陋不敬師長不信佛法不孝不義無慚無愧好行殺生常造諸惡此人短

命不得長壽見善不發菩提之心死墮諸趣常沒三塗介時如來世尊語言外道癡人是相當知從畜生終沒來生人中當有是相其人闇鈍勲事多愚少智無力懈怠懶墮多貪多食不揀糞細其性物揆出語直突此人力壯常當負重常共癡人常爲知友好喜拳脚隨時卧地不避穢汗欲得裸形不羞不恥心常虛詐異言誑語妄說他人諂曲不實取他財物常愛抵債此人見善不能發心不信正法常造不善十惡之罪流浪生死難得人身死沒苦海還墮畜生以此思之須當發覺是故當知外道愚人非汝能知非愚所測彼人若從餓鬼終沒來生世間當有是相其人黑瘦面無光色頭髮短惡黃赤蒼浪騫臯怒目眼白直視而常饑渴多思飲食慳貪嫉妬怯怖於官執著邪見迴背說人道他長短貪媿積聚不能割捨布施衆生不樂見善惟愛信邪所見財物其心欲取而常貪盜不知厭足

得人少財便生喜悅若貪不得便生妬害如此之人不肯發心信邪倒見諂曲邪命不修善法不敬佛法純信鬼神愛嚮祭祠如此之人還沒地獄從地獄出却作鬼身輪還生死入於苦海無有歇時是故世尊告語外道汝是邪命愚迷癡人不知因果不識良善如來

六

六

告言吾向汝道是事難信無量衆相外道邪見不可得知如此之理非愚能測是故當知若從非人修羅之身聞佛少信沒生人間當有是相高心我慢常樂忿怒好行鬪諍挾怨記恨憎嫉起惡諂曲不實純行虛詐抵債謗人身長洪壯眼白圓怒齒疎包露勇猛有力心懷戰陣常好鬪打瞋勵不休兩舌破和間拆良善輕蔑賢士說伏長短毀謗好人雖向人間常行不善如此之行死墮地獄無有出時隨業諸趣還生本身阿修羅道佛語外道諦聽諦聽是故當知若從人終還生世間當有是相其人賢直親近善友性常有信有忠

有孝若有惡人湯行非謗毀訾其人終不與前人反相報惡何以故此人常為好惜門望識羞識恥篤厚守信樂好名聞及以稱譽受性工巧敬重智者具慙具愧心性柔軟識知恩蔭有願相報於善知識心順無違有慈有悲孝養父母師僧和上小心敬上知人款急

處事有方善能和合常樂信佛好行布施常生供養不耐於債不負他人少許財物好習善事接引於人悉令安樂不令有苦如此之人行如是行死得生天不入地獄還生人間受大快樂不受衆苦生生世世常獲人身是故如來語諸外道及是無智不善惡人亦非

六

七

愚癡之所見解非凡所測非意校量若有衆生持五戒十善得生天上受勝妙樂從天退沒生於世間為人端嚴正信正見相好殊妙其人聰慧樂好清淨喜著華鬘熏香塗身常愛鮮潔好釋賢良常樂音聲歌舞讚歎常樂高樓不應在下為人作首含笑不瞋有行有

德吐言柔美善巧方便出言誠諦盡皆歡喜不傷前人有大智慧常樂好衣嚴身之具此人善樂欲出家若得爲師精進修持清淨律行學習佛道志求菩提如是之人有智有慧多劫修行難可籌量非心所測非眼所觀此是賢良見生受福若修淨戒不久當得無

上正等菩提是時釋迦牟尼如來告諸菩薩四部衆等善男子善女人當知如此外道尼乾子等六師頭首邪見惡法九十五種異見別部都有六宗根本之法六師徒黨尼乾子等拘賒梨子毗盧胝子鳩馱迦旃延富蘭那迦葉末伽梨尼健陀若提子等外道六師都

有九千五百徒黨皆執邪教九千外道深著邪見毒箭入心不歸如來聖道正教唯有一人徒黨外道都首衆中第一須臾陀羅將諸外道五百徒衆歸依如來投佛出家而披法服修佛聖道正行正智自諸外道尼乾子若提子等深著邪見不信正教退坐而去是時

如來在大衆中告諸菩薩摩訶薩及諸四部弟子比丘比丘尼優婆塞優婆夷善男子善女人等如此外道實是愚人不善之者宿承過去惡業之因墮於地獄出生邪見是故若是今時不發出露之心必還流浪是時四部弟子善男子善女人等至誠發心歸依如來

修持十善受於諸佛祕密正教清淨禁戒不入地獄不作畜生不生餓鬼不生諸趣不生外道邪見之家生生世世得值諸佛聞說正法漸次修學如來聖教聖智聖行成就菩提當來成佛得阿耨多羅三藐三菩提故是時釋迦牟尼如來言吾於過去無量劫來修行

六十

八

如是瑜伽聖智諸佛金剛三摩地法祕密菩提甚深三密如來法教尔時世尊於祇園精舍向大道場衆會之中告諸菩薩摩訶薩衆及諸聲聞大梵天王并諸天梵衆龍神八部四衆弟子諸善男子善女人等吾從往昔於毗盧遮那世尊聽受瑜伽祕密金剛菩提三

密三摩地法聖性之教，鼻殊室利導引於吾，及諸菩薩為於上首，令成佛道得阿耨菩提。是故世尊釋迦如來告示一切菩薩一切諸天大梵王等一切天龍八部諸神鬼衆一切聲聞四部弟子衆，釋迦牟尼言：吾從因地往昔以前向於鼻殊室利菩薩初發菩提之心。

修行三摩地金剛菩提三密之行，今得成佛，號為釋迦牟尼如來。如是大會諸大菩薩衆一切梵王諸天梵釋等龍王八部四衆人等，同共啓請鼻殊室利菩薩與汝大衆為師。上首當引大衆，摠皆成佛。吾於當來末世之時，亦助鼻殊廣化群品。

尔時大會諸菩薩等即依如來教命禮敬鼻殊，稱為師首。是時鼻殊室利菩薩從坐而起，稽首如來，長跪合掌，叉手向佛而白：世尊得許於我，我則敢依如來指示，不敢違越。世尊教命，惟願世尊加被於我，我當敢受佛言許之。是故四衆諸大菩薩摩訶薩一切諸天梵

本

九

釋龍神八部大會諸衆咸皆歡喜，摠依世尊指授言教當來之世修習菩提，摠願得值大聖鼻殊，引接於我。惟願大聖鼻殊室利菩薩切切生生得遇相值，與我大會四部衆等作為導師，不相捨離。漸次修學，證成佛果。當來願得阿耨多羅三藐三菩提。故是時大衆咸

皆信受歎美如來，與我衆等指授鼻殊得為導首。是我衆會深生慚愧，譬喻無比。不可校量。惟願如來加被衆等。是時於此大衆諸菩薩摩訶薩不敢違於世尊指示我等大會一切菩薩一切聲聞一切龍神八部諸衆一切四部弟子善男子善女人等深信此經佛言。

若有人發菩提心，至誠書寫此經，受持讀誦，見世此生獲得聰明利智，辯才無礙，福德增盛，智慧如海。所求稱遂，悉皆圓滿。何以故？諸佛聖智加益行者，便能精勤進修。如來所說鼻殊室利千臂千鉢大教王秘密經，至誠修學聖行聖智三密，契金剛菩提三摩地聖

性法教起勝疾成過於阿僧祇苑伽沙微塵  
 數劫向前成佛速證無上正等菩提是故菩  
 薩精進修行如來觀照性寂者成就金剛無  
 漏功德其福甚多不可稱計若算師算師第  
 子不可籌量算數比喻所不能及惟有如來  
 應證等覺乃可知盡是時於此大道場會有

千百億三千大千佛刹世界中一切微塵數  
 諸佛一切諸大菩薩摩訶薩一切聲聞緣覺  
 一切大梵諸天四禪八定六欲天帝三十三  
 天四大天王轉輪四聖諸龍鬼神二十八部  
 夜叉之衆一切諸四天下閻浮提大國小國  
 粟散大小王等四部弟子比丘比丘尼優婆

十

十

塞優婆夷善男子善女人等深發慙悚愧仰  
 如來演說妙法歎未曾有咸皆歡喜信受奉  
 行當來總得成佛速超彼岸證成阿耨多羅  
 三藐三菩提故

大棄瑜伽金剛性海曼殊室利千臂千鉢大教王經卷第十

上師三寶加持之德

皇帝太子福祿之恩管主八累年發心印施漢本河西字本藏經五十餘藏華  
 嚴諸經懺佛圖等西蕃字三十餘件經文外近見平江路磧砂延聖寺大藏經  
 板宋宛苑中統鈔貳伯錠及纂錄摩利未及一年已滿千有餘卷再發心於  
 大都弘法寺取秘書經律論數百餘卷施財叁佰錠仍募緣於杭州路列  
 唯完備續補天下藏經悉令圓滿是 功德同  
 西芳導師阿彌陀佛觀音勢至海眾菩薩祝延  
 皇帝萬歲太子諸王福壽千春 佛日增輝法輪常轉者  
 大德七年丙午臘八日 宣授松江府僧錄廣福大師 管主六

謹題